

Lüsfahrt na Auerk mit de Börkumer Heimatverein



Dat liggt nu all over ein Jahr taurügg, dat de Baas van de Oostfreiske Landskup Rico Mecklenburg bi de Neejahrsempfang in't Dykhuis de Mitglieder van de Börkumer Heimatverein inladen hett tau ein Dagestour na Auerk. Hier harrn frauger de oostfreiske Fürsten dat Seggen un uk ut dej Tied is d'r ein heile Büllte tau bekieken. Dat Pingelhuus, de Lambertikarke, dat Huus van de Landskup mit

de Ständesaal, de groote Bibliothek, de Markt mit de moderne Sous-Toorn, dat is dat Ankieken wall wert un kündege Lü wiesen uns, hau moij Auerk is.

De Fahrt sall wesen an Saterdag, de 1. April 2017, s'mörgens um 7 Ühr 15 mit de Katamaran. In de Butenhaven van Emden wacht ein Bus up de Eilanders un brengt hör na Auerk. Hier wacht ein heil besünder Stadtführung up de Beseukers, dej wall ein un ein halve Stüнде dürt un man mutt all ein bitje pooteg wesen. Dat Middageten is in de „Börse“ un dat mutt elk un ein sülvst betahlen. Um 13.30 Ühr seggt Rico Mecklenburg, de Präsident van de Oostfreiske Landskup: Hartlek willkoomen, Börkumers un vertellt over sien Bedriev mit dat „Forschungsinstitiut Archäologischer Dienst, der Landschaftsbibliothek, dem Landschaftsforum, der Museumsfachstelle Volkskunde, der Regionalen Kulturagentur, dem Regionalen Pädagogischen Zentrum und dem Plattdütskbüro“. Achteran even verpusten un dann geht weer taurügg mit de Bus na Emden un mit de Katamaran um 16.45 Ühr na't Eilandje.

Beseuk van't Oostfreiske Landskupp



De Kaarten un de Zuschlag för de Kat mutt elk bi de Kleinbahn haalen. De „Unkostenbeitrag“ is tüsken tien un twinteg Euro (je nach Teilnehmerzahl) un waart up dat Skip insammelt. Anmelden bit de 15. Meert 2017 bi Gertrud Akkermann-Burmeister (Telefon 7227) off bi Jan Schneeberg (Telefon 863).